

昆明志 222

76830


地 280.101

92

第 12 卷

屯江縣志

卷一



民國十九年十一月廿一日
發行

中江縣志

黃志誠纂修 鍾立亦筆

日新印
刷工業
社代印

中江縣志總纂



陳敦甫先生像

右陳敷甫先生肖像先生中江者宿
年垂八十婆娑林下邑人以鶴志曠世無
續撰讀先生論次欣然應之士之於文
獻也讀其書輒想見其為人必志其
心曾面目而後快顏是相豈曰酬勤
俾後之讀是書者有所景行氏曰尔

中江縣長蘇洪寬題

中江縣長蘇洪寬肖像



右縣長蘇公敬三肖像公長吏才明而能斷
凡縣中要以公次第舉行至如中學校
之建築縣志之刊行尤足副知人舉之望
蓋中學資教育之進展知志使文獻有
徵二者胥於公成之公之嘉惠吾邑大矣次
公像於志端非特以示欽忱且以俟表者有
所勸焉

邑人楊定乾題

中江縣志序

權中江縣事漢安李景驊

文足則學問富獻足則名賢多先師孔大夫學三代之禮孜孜以文獻足不足爲權衡後世之修志者其知此義歟夫志之爲書於天地人三才所關重且大者無不載是豈徒爲是斑駁紛綸哉亦將曰稽之往昔紀之當今昭示諸後來樹之表藉之鏡他日因革損益窮則變變則通固視乎天地人之時爲何如時耳如第曰跡而已鬥獸在泥磨驢繞室西人有言昨夜隣家走失一貓非無實也於志乎何取諸葛武鄉侯爲蜀中第一流人物其開國益州不設史官以故蜀之遺志或缺而未備或略而不詳讀者病焉知武侯素志者以謂當日龍驤鵬舉抗懷高遠視功業殊卑下使假之歲年指揮蚤定澄清其氣象不在堯舜禹湯文武下重以時方多難日從事征討未遑著述而後之編纂蜀志者獨能搜奇補闕俾侯之忠誠茂績光昭於雲漢一千年後烜赫如昨日事斯亦修志者之才之學之識有

中江縣志序

日新工業社代印

度越尋常者爲可法也自來縣志之成必令與紳協助而後有功考中江縣志初梓於康熙五十四年則知縣李來儀總其事再修於乾隆五十二年則知縣陳景韓董其役嘉慶十七年更修則縣令陳此和也道光十九年又修則縣令楊公霈也自茲以往歲月侵尋至於民國天地開闢日月光華歷任縣尹與邑中耆碩會議延地方名進士陳敦甫任總編纂至十八年己巳書成付刊景驊適攝篆是邦例得弁言簡端誠不敢以不文辭夫天下事之成也必始衷終皆奮而後舉焉斯志也其始其衷既慊於羣力蓬顛未白而竹汗已青幸已然使役將竣而惰慢乘之其及須之乎夫凱江大縣蜀中百數十縣之一耳景驊嘗持論以爲必百數十縣之縣志成而後四川行省之通志可成必各行省之通志成而後民國之通志成凡音萃則宮商明五色備而光采耀一國之志一國崇奉之一行省之志一行省崇奉之一縣之志一縣崇奉之俯仰古今要之文獻以爲本

又

中江爲川北巨邑自晉代立縣以來一千六百餘年於茲而前清康熙以前一千四百餘年間人文政治民物風土多毋可得而詳蓋載籍不具文久而減節族久而絕也縣志之修實權輿於康熙五十年當時簪筆司載者深致慨於往事湮沒無聞誠以文獻無徵孔子難言夏殷之禮典籍無存孟子不詳周爵之制記載闕略則前人所以詔後後人所以識古者無所取資此博古君子所以良用盡傷也間嘗論之縣志之用舉舉大端蓋有數事一作政治設施之鏡助也古人云前事之不忘後世之師也一縣政治大綱大紀悉著於篇班班可攷則後之從政者或因或革或損或益在在有所據依庶幾動有準極舉不乖方斟其利而酌其弊因其時而制其宜其有裨於政治諒非淺也一助文化之革新也一縣文化遞演遞進過去蟬蛻之迹無所考見則新者無所藉以推演磨礪繞室終日盤桓方

中江縣志

序

二

日新工業社代印

復自以爲進行不已而不自知其往復循環不于故步也文化往迹具在簡篇則知何者爲已陳之芻狗當廢棄而勿用何者爲未闕之蹊徑當直進而向前如是則文化進步日新月異長足孟晉一日而千里矣一引起邑人愛護鄉土之觀念也莊生云舊國舊都望之暢然雖使丘陵草木之緡入之者十九猶之暢然况見見聞聞者耶而見聞之最詳備者莫如縣志故披覽縣志而愛護鄉土敬恭桑梓之念油然而生矣一備國史之要刪也章學誠曰周禮外史掌四方之志注謂若晉之乘楚之檮杌魯之春秋是一國之史無所不載乃可爲一朝之史之所取裁孔子作春秋而必徵百國寶書是其義矣今之州縣古之方國也州縣之志闕略則國史無所取裁而國史因以不備比於棋差一子有累全局士歎一簣足虧高山也縣志與國史關係之密切爲何如哉何可緩也他若標揭風義激勸人倫有助於教育之陶冶原本山川極命草木有資於地理博物之研尋其

功用之廣尙難更僕數也然則縣志之重要爲何如哉縣志之修可不亟亟從事也哉中江縣志康熙以前雖寂焉無聞所幸自爾以還續有編纂迄於道光蟬嫣勿絕自道光以來物換星移將及百年時事變更於茲爲甚其有需於記載者實要且切歷任縣尹有見於此爰延陳敦甫先生秉筆編纂十八年己巳綴輯告竣付諸梨棗今年洪寬攝篆是邦適值劄劂甫就印行在卽爰略識數語弁諸簡端以志其梗概焉

中華民國十九年五月三日權中江縣事內江蘇洪寬敬五氏序

中江縣志 目錄

卷之一 輿地一

沿革 附表

輿圖

疆域

形勝

山 附圖

水

卷之二 輿地二

道里表

關隘

風俗

物產 表附

卷之三 建置一

城池 附圖

河隄

公署

市鎮表

鋪遞

水利

津渡

橋梁

卷之四 建置二

祠廟

寺觀

卷之五 職官

文職表

惠政 附

武職表

卷之六 人物一

中江縣志 目錄

科第表

徵辟議叙軍功虛銜附

仕宦表

宦績

卷之七 人物二

封廕

行誼

忠義

卷之八 人物三

孝友

隱逸

義夫

著述表

卷之九 人物四

賢媛

節孝上

卷之十 人物五

節孝下

卷之十一 人物六

貞烈

閨秀

大年

卷之十二 政事上篇 變制之一

賦稅

卷之十三 政事下篇 變制之二

學校 團甲 倉儲

卷之十四 政事下篇 創制

卷之十五 叢殘一

仙釋 流寓 祥異 古蹟 冢墓

卷之十六 叢殘二

金石

卷之十七 叢殘三

雜記

卷之十八

紀事

中江縣志 目錄

二

日新工業社代印

卷之十九

文徵一 東漢 訖北宋

卷之二十

文徵二 南宋 訖明

卷之二十一

文徵三 清

卷之二十二

文徵四 清

卷之二十三

文徵五 詩附

卷之二十四

序例

中江縣志

鑒定

前雲南知縣中江縣徵收局局長 墊江

李經權 亞衡

中江縣知事 開縣

譚毅武 克艱

中江縣知事 內江

李景驊 紹義

中江縣知事 內江

蘇洪寬 敬五

總纂

邑甲午科進士禮部祠祭司主事廣西永淳縣知縣

陳品全 敦甫

編纂

邑廩生

游一中 春舫

邑庠生

劉德華 華亭

邑增生

游德馥 星衢

中江縣志 卷首

一

日新工業社代印

邑壬寅科舉人

陳品瑞 馭慶

邑丁酉科拔貢陝西州判

許敏勳 鏡成

邑庠生

王庚 西浦

採訪

邑庠生

岳華 叢珊

邑庠生

劉成勳 述芬

邑庠生

鄧光廷 曉初

邑庠生

李瀛洲 雲章

邑士

陳任賢 訪郁

邑士

王澤 雨生

邑士

李炳壽 忞山

邑庠生

龔國楨 世英

邑丁酉科舉人雲南府經歷

楊斗垣 建魁

邑 士

林有善 葆元

邑 庠 生

胡升菴 籍卿

邑 士

白璧 介眉

邑 廩 生

陳式金 麗生

邑 庠 生

毛發昌 蕓堂

查卷

邑 庠 生

岳華

邑 庠 生

陳言綱 仲常

邑 增 生

游德馥

邑 庠 生

張開岐 啟南

邑 增 生

陳樹芳 體元

中江縣志 卷首

二

日新工業社代印

邑 庠 生

戴聖業 卓民

邑 庠 生

王良鑑 鏡仁

邑 庠 生

胡升菴

邑 廩 生

陳式金

金 堂 縣 庠 生

陳希實 虛谷

邑 士

譚德潛 宜之

校勘

總 校 邑 廩 生

游一中

襄 校 邑 士 張霖 迺文

校 字 邑 士 游崧喬 悔生

繪圖

邑 士

李江榮 曙春

繕牘

邑

士

陳崇賢

山宗

邑

士

游肇武

繩孫

邑

士

游肇泰

東山

邑

士

陳宜采

新建

邑

士

鄧培倫

采一

邑

士

游湘翹

次登

籌備

邑

士

蔣萬銀

兩山

邑

庠

生

劉成勳

邑

庠

生

陳駿

毓崧

邑

士

顏師孔

樂山

中江縣志

卷首

三

日新工業社代印

司務

邑

士

陳宜采

邑

士

張霖

中江縣志卷之一

輿地一

沿革



中江禹貢梁州之域商周蜀國地秦蜀郡地漢高祖六年分蜀郡置廣漢郡終漢世皆為郡之郵縣晉咸寧四年始易為五城縣在古五城山今治東一里許此仍舊志說詳古太康六年省七年復立俱屬廣漢郡劉宋初如故元嘉九年暫置新城郡是為潼川府建設之始而縣仍屬廣漢郡至五城縣北五城縣分合之故見後南齊仍為廣漢郡梁末武陵王置新州縣屬州北周改置玄武郡在玄武山下今治南二里許隋文帝開皇三年郡廢改縣名玄武仁壽二年置凱州當因武水得名卽今縣治也領縣三煬帝大業二年廢州縣屬蜀郡唐武德初屬益州三年改屬梓州宋眞宗咸平四年分置梓州路縣屬焉大中祥符五年始改名中江縣蓋本元和郡縣志五城水通典梓州左挾涪水右帶中江五城水唐時已有中

中江縣志

卷之一

輿地一 沿革

日新工業社代印

江之一日中水之說

舊志壬子詔天下避聖祖玄期諱縣避玄字劉光祖大雄寺記東封後封眞武為靈應眞君縣避武字

徽宗重和元年升梓州為東川府縣屬焉南宋孝宗乾道五年改東川為

潼川府縣屬府元世祖至元十六年省飛鳥入銅山

隋開皇十四年分置飛鳥縣唐調露元年

分置銅山縣

分潼川隸廣元路為川北道銅山中江屬北道二十年併銅山縣

入中江明太祖洪武九年降府為直隸州縣屬州十年省中江併入州十三年復置仍屬州清雍正十二年復升州為府縣仍屬焉

按康熙舊志前漢書廣漢郡領縣十三後漢書廣漢郡領縣十並無五城三國蜀志通無五城字惟晉書始有之沈約宋書作晉立今從宋書此最有識乾隆舊志始亦因其說而誤以西晉為東晉繼又引元和志稱先主置自相矛盾以致嘉慶志稿及新通志俱襲其誤道光舊志謂元和志所云本無碣證雖華陽國志有五城縣然云漢時置五倉發五縣民尉部主之後因以為縣常道將係晉人曰漢曰後其為追述語意

甚明今考以五城爲蜀立者莫先於宋志所引何氏說然徐氏說亦見宋志固不之言也次元和郡縣志次太平寰宇記次輿地紀勝次洪亮吉補三國疆域志卽李星根氏縣志補遺亦言王崇之論姜維已有五城字爲蜀立五城之證然宋書地志塙已指定晉設五城年時必非無本且正史也不信正史而從雜史烏乎可崇晉人也以晉地追論前事而曰五城亦猶宋書劉粹傳書程道養等敗後逃入鄴山耳時已爲今三臺地而道養等巢穴則偏在今中江地界偶爾涉筆之誤均不足憑况三國志鍾會傳維至廣漢鄴縣令兵悉放器械豈其時蜀改五城而鄴仍不廢耶所可疑者晉書王長文傳有鄴人二字此或史臣本其初籍貫書之未及追改蓋咸寧中長文已領蜀郡太守矣不當以此孤證致滋糾紛

又按王象之輿地紀勝謂宋志無立新城郡之文而隋志新城郡亦不

中江縣志

卷之一

輿地一 沿革

一一

日新工業社代印

言因宋舊郡此大謬也象之不讀陳伯玉集不知宋新城郡設立之由而有此言也固宜宋志則明有新城郡矣豈亦未嘗厲目每郡下且詳其變更置廢年月惟廣漢新城混同並列是其疏處梁末之新州隋大業之新城郡固斷斷因宋新城之名無疑皇朝郡縣志言宋元嘉九年割廣漢郡於此置新城郡其言近是而著一割字則未知新城爲一時權宜私財所築故若有若無耳何嘗於廣漢郡外常設一新城郡乎或問何由知新城郡之若有若無又何由知新城郡之非割廣漢郡地曰旣割地則廣漢郡不當復有鄴五城矣何以宋志廣漢之領六縣者如故苟非若有若無何以南齊志廣漢郡之領六縣者仍如故而新城郡及北五城縣懷歸縣之紛紛設置皆銷滅無跡以後證前知因亂而設亦因亂定而罷舊謂懷歸縣立至二十餘年之久又謂至南齊始廢皆臆測疑非事實

又按道光舊志稱漢之鄴縣中江得十之六七三臺射洪祇十之二三今考漢鄴縣誠寫闕據射洪劉光謨文卿本蜀記水經注考定鄴與古廣漢分界在梓潼水及步雲關是漢鄴轄地東至今射洪縣下十餘里惟北境與涪縣接壤處不能確定自射洪與鄴脫離後永無輾轉三臺中江則時有出入譚地理者目迷五色於是新州昌城北五城之類亦闌入中江志矣細加尋繹洞悉糾紛之由知三漢皆曰鄴晉初亦皆鄴地至咸寧四年始同易名五城固未嘗分也宋齊兩書始鄴五城并列是宋爲分劃兩縣之始而齊沿之梁之改新州西魏之改昌城皆係更易郡名與中江無涉隋改梓州改新城而鄴之名不改宋齊隋皆不改鄴縣名知梁陳雖無志亦當不改有謂至梁而鄴省者不知何據又改五城爲玄武改玄武爲凱州終且改隸蜀郡而三臺中江判然不可合併矣自唐宋至明清軍州府之名多所變更卽三臺至明改爲潼川州而鄴之名始沒至清雍正始設三臺縣

中江縣志

卷之一

輿地一 沿革

三

日新工業社代印

中江亦屢有銅山飛鳥之分合省併而判然兩邑更無異議雖洪武十年曾省中江入潼川州是爲最後古鄴暫合之僅見事然十三年復如故苟明於三臺中江之離合則不致搖筆輒誤矣

余考訂沿革鉤稽故籍頗窺前輩致誤之由惟涉獵所及有疑不能明者不欲闌入自益糾紛亦不欲竟置不言附載於此以質之博雅君子如宋劉經王稚子石闕記稱東漢王稚子葬於鄴縣卽今之新都石闕在道旁按今彌牟鎮西二十餘里故跡猶存果如其言則漢時鄴境西至新都東至梓潼水中當包舉數州縣遼廓太甚疑侵蜀郡屬地不知劉氏所據不敢贊一詞又華陽國志蜀郡志下有設五倉發五縣民之文其地當在新都金堂間與廣漢郡志所載全同但少尉部主之一語耳是一是二不敢強解

余既本陳伯玉集訂定新城郡之所由始因亂暫置亂定旋廢故南齊